

# Calon Wartawan

Dengan dasar ilmu kewartawanan yang telah dipelajari dapatlah kita memasuki tingkat pertama dunia jurnalistik, sebagai calon wartawan. Bahagian ini saya sebutkan khas untuk calon-calon wartawan yang sudah mempelajari dengan bersungguh-sungguh akan teori-teori jurnalistik yang telah diberikan dan mulai menyumbangkan tenaganya dalam surat-surat khabar harian atau majalah-majalah bulanan dan mingguan – kata Tuan Parada Harahap, wartawan ulung Indonesia, yang juga menjadi pensyarah di Perguruan Tinggi Ilmu Kewartawanan dan Politik, di Jakarta.

Dalam salah satu syarahannya yang berharga, Tuan Parada Harahap telah mengupas soal ini dengan lanjut. Patinya kami sajikan di bawah ini:

## Soalnya

Dalam bahagian ini, saya tidak hendak mengatakan seperti hendak menerangkan kepada calon-calon wartawan muda – seolah-olah hendak menganggap bahawa calon-calon wartawan muda lebih rendah daripada wartawan-wartawan yang sudah banyak pengalamannya.

Tidak demikian maksud saya. Dalam banyak hal, calon wartawan muda lebih berharga daripada wartawan-wartawan yang berpengalaman. Kebanyakan di antara mereka ini, ada mempunyai sifat-sifat yang pernah dimiliki oleh wartawan-wartawan angkatan tua yang sudah banyak pengalaman itu, tetapi sifat-sifat tersebut (sayang) telah disia-siakan oleh angkatan muda. Banyak diantara calon wartawan muda sekarang hendak berbuat demikian. Memang tidak sukar melakukannya dan juga tidak begitu sukar untuk menimbang masak-masak lebih dahulu.

Setengah mereka sekarang mendapat pengalaman sedikit, mereka sesungguhnya akan dapat melihat lebih banyak jalan untuk menghindarkan diri dari pelbagai macam kesulitan. Juga dalam menjaga diri dari susah payah memberikan santapan kepada rohaninya.

Mereka lebih senang melepaskan segala macam beban tanggungjawab. Juga melepaskan perhatiannya dari segala macam usaha sendiri, supaya orang lain sahaja yang mengambil dan mengerjakannya.

Dengan demikian tibalah giliran mereka mengabaikan sifat-sifat baik yang mereka miliki pada mulanya dan lambat-laun membiarkannya sampai lenyap sama sekali.

Tetapi pada waktu ini, sifat-sifat baik itu masih ada pada mereka. Dari saat inilah pula tiap-tiap calon wartawan yang berhasrat hendak menemui massa yang sedang

bergolak – hendaklah membina dirinya menjadi wartawan yang dihargai masyarakat – harus berlatih dengan tidak mengenal kesulitan. Bagi mereka yang sudah tergerak hatinya memulau latihan ini, beberapa pertunjuk berikut ini saya harap – segera dijadikan pegangan – sistem belajar dan bekerja – yang kuat.

Dasar latihan itu saya susun seperti berikut:

- 1) Tugas belajar dan bekerja yang tuan hadapi pada saat ini adalah merupakan satu kesempatan yang baik bagi tuan untuk melatih diri menghadapi pekerjaan-pekerjaan secara amalan. Ambillah, apa yang dapat tuan ambil dari kesempatan ini.
- 2) Kerjakanlah sedikit lebih daripada apa yang seharusnya tuan kerjakan.
- 3) Pelajarilah selok-belok pelajaran tuan ini dengan tenang dan tertib.
- 4) Usahakan supaya segala teman sekerja menjadi sahabat tuan yang baik.
- 5) Bulatkan hati tuan untuk menerima suatu tanggungjawab yang diletakkan oleh pemimpin tuan di atas bahu tuan.
- 6) Untuk kepentingan pejabat perusahaan surat khabar yang tuan bantu bekerjalah tuan dengan sepenuh tenaga.
- 7) Ulangilah pelajaran-pelajaran kewartawanan ini dan bacalah selalu buku-buku pengetahuan yang baik dan berguna untuk menambah pengetahuan tuan.

8) Hadapilah tugas jurnalistik tuan ini seperti tuan sedang bermain sukan, yakni dengan kegembiraan seseorang yang tengah bermain sukan.

9) Hadapilah tugas jurnalistik seperti tuan sihat. Sihat badan dan sihat fikiran.

10) Pelajarilah juga, bagaimana cara-cara memimpin sebuah penerbitan. Terutama cara memimpin perusahaan surat khabar, tempat tuan menyumbangkan tenaga tuan sekarang.

11) Bila ada kesempatan, tuan diperbolehkan membeli saham (syer) perusahaan itu, gunakanlah kesempatan itu sebaik-baiknya.

Sudahkan tuan membaca:

### **Surat-menyurat**

Disusun oleh Edrus – mengandungi hal-ehwal pejabat surat dengan contohnya iaitu selain daripada mengandungi hal-ehwal yang mengenai surat-surat beradat, kepada ahli-ahli agama, kepada orang awam.

– Inilah pertama-tama buku mengenai surat-menyurat di dalam bahasa Melayu huruf Jawi yang lengkap kandungannya.

Senaskah \$1.80

*post* 20 sen.

Kalau memesan hendaklah disebut naskah Jawi.

12) Gunakanlah waktu dan fikiran tuan untuk mengetahui dan memperbaiki kekurangan-kekurangan diri sendiri. Jangan disia-siakan waktu tuan untuk mengecam kekurangan atau kesalahan-kesalahan orang lain. Jangan dibolehkan fikiran tuan untuk mencampuri segala macam urusan yang bukan urusan tuan sendiri.

Demikianlah kita cuba belajar membuat dasar – sistem belajar dan bekerja – sebagai calon wartawan, yang boleh ditambah atau dikurangi menurut pertimbangan sendiri, sebelum kita meningkat mendalami ilmu jurnalistik ini dengan lebih jauh.

Waktu saya mula-mula berusaha mencari nafkah sendiri – saya sebagai calon wartawan seperti saudara sekarang ini – saya sesungguhnya sangat ingin mengetahui panduan-panduan yang tersebut di atas. Tetapi tidak ada seorang pun yang bersedia menunjukkannya. Tidak ada panduan semacam ini yang dapat saya cari dalam buku-buku. Dan juga tidak ada di dalam beberapa pejabat, tempat saya bekerja dahulu.

Sengaja saya perkatakan beberapa panduan ini di dalam kuliah ini, seperti suatu pertunjuk jalan. Jalan kecil dalam penghidupan yang berkelok-kelok dan yang harus ditempuh oleh seseorang calon wartawan muda, sebelum ia tiba di jalan raya yang datar dan kemudian mendaki ke arah jalan yang menaik. Biasanya wartawan-wartawan muda – lebih cepat disebut: Calon wartawan muda – hanya melihat kepada wartawan yang berpengalaman, yang sedang berjalan di jalan raya yang datar itu sahaja. Jalan raya yang datar inilah pula yang mereka hendak jalani. Mereka menyangka, itu ialah suatu kesempatan. Tetapi apa sebabnya di antara wartawan-wartawan yang berpengalaman, yang

sudah mendapat kesempatan ini, tak dapat mendaki terus?

Memang benar sangkaan demikian. Banyak wartawan yang berpengalaman, yang tidak merintis jalan kecil yang berkelok-kelok itu, bila dengan mudah ke tempat yang dituju dengan kejayaan yang gemilang. Tetapi ini ialah suatu pengecualian. Bukan suatu kelaziman yang dapat diikuti oleh tiap-tiap orang. Kerap kali terbukti orang biasa yang seolah-olah diberi kesempatan berbuat demikian, banyak yang terkandas di pertengahan jalan. Ada yang terapung-apung, seperti sabut di tengah lautan. Ada pula yang merangkak-rangkak seperti anak kecil. Mundur sukar dan maju tidak cepat. Tidak secepat orang berjalan biasa. Bukankah ini suatu kerugian?

#### **Semacam Orang yang Mengadu Nasibnya**

Dalam keadaan semacam ini, sama halnya seperti orang yang mengadu nasibnya. Kemungkinan rugi sangat besarnya, kemungkinan mendapat untung tipis sekali.

Seorang calon wartawan muda yang mulai bekerja langsung jadi wartawan, hanya satu dari 1000 pemuda. Kedudukan begini sukar. Ia hendaklah berusaha dengan seberapa yang boleh supaya dapat bertindak melebihi wartawan-wartawan muda yang lain, yakni wartawan-wartawan biasa yang banyak jumlahnya itu. Ia harus dapat menjaga, supaya perhatian orang tertuju kepadanya, iaitu dalam erti mendapat perhatian yang selayaknya. Dengan jalan bagaimana sahaja, dia harus terpancang sedikit lain daripada yang lain. Ia tidak boleh merasa girang, bila ia sudah bekerja. Ia harus dapat menunjukkan kecekapannya bekerja sama

dengan kecekapan seorang wartawan yang mempunyai kedudukan lebih tinggi dalam persuratkhabar, tempat ia bekerja itu.

Yang sangat kita rasai sekarang, ialah kurangnya anak-anak muda calon wartawan yang berani, sedang orang yang diharap maju dalam pekerjaan ini hanyalah mereka yang kerana banyak pengalamannya yang pahit akan dapat menulis dan menimbang dangan saksama akan kesukaran-kesukaran yang dideritai orang. Hanyalah dengan penyelidikan-penyelidikan sendiri itu ia dapat mengumpulkan bahan-bahan yang berguna, yang dapat dipercayai. Seperti bila seorang muda calon wartawan dapat turut dengan orang yang memburu penyeludupan atau pura-pura turut dalam penyeludupan, dapat menggambarkan dan menceritakan penyeludupan itu dan akhirnya dapat membuat kesimpulan, bagaimana melawannya.

Pernah seorang pengarang suratkhbar di negeri Belanda menyamakan diri sebagai seorang peminta sedekah beberapa minggu, dan menceritakan pengalamannya dalam surat khabarnya, akhirnya dapat difikirkan cara menghapuskan peminta-peminta sedekah itu, kerana telah nyata bukan sedikit diantara mereka yang telah menyimpan wang di dalam bank dari hasil pencarian mereka meminta sedekah itu.

Kebanyakan calon wartawan muda, tidak berbuat demikian. Dalam sebuah penerbitan besar, diantara satu dengan lain pegawainya kelihatan hanya berbeza sedikit-sedikit sahaja dalam soal kedudukan. Keperibadian mereka hanya ketara dalam pelbagai kesulitan, yang mereka longgokkan kepada pimpinan perusahaan. Apa yang dapat diketahui oleh ketua-ketua bahagian tentang sifat-sifat perseorangan mereka, sebahagian besarnya tidak jelas:

Ia tidak cekap untuk urusan ini; orang tak dapat mengharapkan tenaganya dalam urusan itu. Selebihnya sama sahaja.

Mereka bekerja untuk gaji yang diterimanya, atau untuk gaji yang mereka fikir masih kurang. Dengan sendirinya mereka bekerja hanya dengan perasaan yang selamanya tidak senang.

Ketika mereka mula-mula masuk bekerja, mereka merasa – biarpun dengan perasaan sederhana sekali – bahawa mereka turut mengambil suatu bahagian usaha yang akan menggerakkan seluruh usaha dalam perusahaan itu. Perasaan ini lenyap, setelah beberapa bulan mereka bekerja. Mereka tidak memikirkan lagi seluruh usaha yang menggerakkan perusahaan, tetapi hanya pada bahagian di mana mereka ditempatkan. Ini pun tidak lama. Perhatian mereka hanya berkisar di sekitar pekerjaan hari-hari yang mesti mereka hadapi. Inipun lekas membosankan mereka. Perhatian berpindah pula. Mereka memperhatikan pekerjaan-pekerjaan yang dikerjakan orang di lain-lain bahagian. Bila terlihat pada bahagian yang tidak seberapa bekerja, mereka mendapat kesan yang buruk, iaitu mereka bertambah lalai mengerjakan pekerjaan sendiri. Tetapi bila terlihat pada bahagian yang sungguh-sungguh sibuk, mereka menaruh syak wasangka yang bukan-bukan, iaitu bahagian yang hanya mahu mengambil muka kepada pihak pengarah. Demikian juga tak dapat lagi mendorong mereka supaya membantu bahagian yang sibuk itu. Mereka kembali khayal menghadapi meja tulisnya dengan fikiran kosong.

Dalam suasana semacam ini, bagi seorang calon wartawan yang pintar dan mahu berfikir sedikit, tidaklah begitu sukar untuk menempatkan

diri sebagai seorang calon wartawan yang baharu mulai bekerja. Bila dapat memperlihatkan, bahawa ia boleh berfikir juga mencari jalan supaya selalu dapat bekerja lebih cergas dan tertib, maka segera ia dapat menarik perhatian. Bila seorang calon wartawan tidak mempunyai kemahuan sendiri untuk melatih kemajuan diri, orang lain pun tidak akan mahu bersusah-payah menolongnya. Tidak seorang pun yang akan bersedia memberikan kedudukan yang lebih baik kepadanya.

Manusia pada umumnya bekerja untuk diri sendiri, meskipun dia bekerja pada sebuah tempat perusahaan yang besar. Tempat perusahaan itu memberikan suatu kesempatan kepadanya, supaya ia dapat memperlihatkan sampai di mana kesanggupannya bekerja, dan untuk itu, ia sendirilah yang harus berusaha.

Suatu perusahaan tidak didirikan sebagai sebuah sekolah, di mana orang dididik dan diberi pelajaran, tetapi untuk tempat berusaha. Siapa yang mahu menggunakan kesempatan ini iaitu turut berusaha yang berharga kepada perusahaan, biasanya ia akan disambut oleh tuan punya perusahaan itu dengan tangan terbuka. Pokoknya: Asal betul-betul ia dapat membuktikan, bahawa ia sungguh-sungguh mahu turut berusaha.

Sesudah 1 – 2 bulan bekerja, seorang calon wartawan yang baharu mulai bekerja akan nampak tawar sahaja dalam melakukan pekerjaannya ini disebabkan oleh kerana tidak merasa tertarik oleh pekerjaannya itu. Ia menyangka, bahawa memang tidak ada sesuatu yang menarik dalam pekerjaannya itu. Pendapat begini adalah keliru. Manusia tak usah bekerja seperti *machine*. Dalam sesuatu yang dikerjakannya, dapat diusahakannya untuk mencari

sesuatu yang baik. Kita harus menimbang, adakah kita boleh menjadikan sesuatu kalimat itu lebih jelas, bila kita tambah dengan satu koma, atau haruskah kita menghilangkan satu koma, kerana koma ini hanya membingungkan pembaca. Sebuah *machine* yang masih baharu memberikan hasil yang tertinggi bila dipakai. Tetapi makin lama dipakai, hasil *machine* itu menurun. Sebaliknya manusia, makin lama dia bekerja, makin baik pekerjaannya. Dengan mengubah cara bekerja sedikit-sedikit, manusia akan dapat memenuhi tugasnya dengan lebih baik dan lebih cepat.

### **Camkanlah**

Bagaimana juga sederhananya jenis pekerjaan yang yang diserahkan kepada tuan ketika tuan memulai

#### **Adakah anak-anak tuan telah pandai membaca?**

Jika belum, ajarlah dengan menggunakan buku:

#### **Panduan**

#### **Membaca dan Menulis Jawi**

Suatu cara mengenal huruf yang mudah sekali. Dicitak dengan dua warna. Belum ada buku untuk memandu membaca Jawi yang seumpamanya. Buku ini sangat molek dijadikan buku pelajaran membaca Jawi sebagai mengenal huruf. Tekniknya baik dan pertama-tama dibuat seumpamanya baik dalam buku-buku Melayu atau Arab untuk mengenal huruf-huruf Jawi. Disusun oleh Cikgu Mahmud bin Ahmad seorang guru yang terkenal di seluruh Tanah Melayu.

**Senaskhah hanya \$1.50 post 10 sen.**

kerjaan<sup>1</sup> itu, haruslah disertai dengan kepandaian tuan mengerjakannya. Makin pandai tuan mengerjakan pekerjaan tuan, makin menyenangkan pekerjaan ini. Demikian juga suatu tanda bahawa pekerjaan sesuai dengan bakat dan kemahuan tuan. Tiap-tiap pekerjaan merupakan juga sebagai ujian untuk mengetahui, adakah barangkali tuan lebih cekap bekerja dengan jenis pekerjaan yang lebih sukar dan berat.

Ini belum bererti bahawa tuan segera akan diberi naik pangkat, bila tuan berhasil pula mengerjakan pekerjaan yang lebih berat itu. Amalan bekerja bukan seperti kelas-kelas di sekolah, tuan boleh naik ke kelas yang lebih tinggi, kalau tuan dipandang memenuhi syaratnya. Amalan bekerja adalah selalu berupa soal keperluan dan perlengkapan. Bila dipandang perlu, baharulah dicari tenaga yang dapat melengkapkan keperluan tersebut.

Sampai berapa jauh tuan dapat naik dalam sesuatu perusahaan biasa atau perusahaan persuratkhabaran, terutama sekali adalah bergantung kepada kesanggupan tuan memegang sesuatu jawatan dan memberikan pimpinan. Mula-mula sekali belajarlah mengerjakan pekerjaan sendiri dengan sebaik-baiknya; terutama sekali dalam mengerjakan pekerjaan tersebut. Dengan demikian lambat-laun tuan akan menjadi pemimpin pengarang, atau pendiri perusahaan penerbitan sendiri, atau sekurang-kurangnya menjadi seorang wartawan yang cekap dalam mengerjakan tugas-tugas jurnalistik yang ditanggungkan kepadanya.

Tuan barangkali berfikir: Kalau sudah mempelajari panduan-panduan ini tuan pasti sudah berhasil menjadi seorang wartawan yang ulung. Tidak. Ini pun masih

merupakan teori, yang harus dimasak dahulu beberapa tahun lamanya dalam pekerjaan secara amalan.

Atau barangkali tuan akan berfikir: Kalau sudah lulus ujian penghabisan ilmu kewartawanan, ketelitian memperhatikan dan menanggapi sesuatu itu sudah tentu baik. Ini pun tidak. Baik di sekolah ataupun di rumah, tidak ada orang yang mengajarkan ketelitian dan kecekapan yang sesungguhnya.

Hanya ahli-ahli dalam beberapa cabang ilmu, mempelajari soal ketelitian dan kecekapan ini. Mereka tidak menjadi teliti dan cekap, kerana hanya kebetulan sahaja, bahkan kerana belajar dan berlatih. Kerana belajar dan bekerja, dengan teori dan amalan, dengan jalan perbandingan, dengan jalan kemahiran, dengan jalan memperhatikan secara istimewa segala perkara yang dipelajari dan yang dikerjakan itu.

### **Akhirnya**

Mereka membuat peraturan. Memperbaiki peraturan yang akan dipakai. Yang mustahak sekali hendaknya akan menjadi jelas juga bagi tuan, bahawa mengumpulkan ilmu pengetahuan – menyelami ilmu jurnalistik ini – bukan sahaja untuk menguntungkan diri sendiri, bukan juga untuk menjadi kaum terpelajar yang baik, tetapi yang terutama untuk dapat menggunakan ilmu pengetahuan untuk kepentingan umat manusia. Manusia terpelajar yang baik – wartawan yang dalam tugasnya mengabdikan kepada masyarakat – hendaklah “mengorbankan diri” dan dengan demikian dia betul-betul sanggup mengabdikan diri kepada umat manusia.

---

<sup>1</sup> kesilapan ejaan, sebetulnya ‘pekerjaan’